

Feurwerck.

Feurwerck.

Vnd wann ja schon der Feind der Böstung sich wolt nähern/
 So bin ich auch bereit entgegen frisch zu gehen/
 Mit dem Feurwerck so starck auff ihne spielen zu
 Daß/wer in dem Berghauß/ vor ihm soll haben Ruh.
 Feurballen/ Nagelwerck/ die stiegende Granaten
 Die sollen sein ein Speiß den feindlichen Soldaten
 Die schwing ich endlich gar durch Münt in die Luft/
 Daß mancher seinen Geist aufgibt/ vnd zu Gott rufft.

Geometria.

Geometria.

Daß aber alles werd fürsichtig vorgenommen
 Vnd daß der Feind vns nicht mit Listn möcht vorkommen
 So miß ich gar genach/ ob der Feind sey noch weit?
 Ob er zu reichen sey? daß man erfahr bey Zeit
 Das grob Geschütz muß ich gar wol examinieren/
 Auff das man nicht ein Schuß vergeblich thu verleren
 Trutz dem Feind/ daß er komm wann er spürt Kraut vnd Lott
 Was gilt es er muß noch gar abziehen mit ein Spott.

Arithmetica.

Arithmetica.

Ich will auch meinen Fleiß nicht sparen in den Sachen/
 Ein guten Vberschlag will ich hierinnen machen:
 Wann ich besehen werd was von dem Proviant
 Von Kriegsmunition vnd anders mehr zur Hand
 Diß alles will ich fein gar ordenlich auffschreiben
 Mein Rechnung setzen auff/ wie lang man es könd treiben/
 Antworten allezeit dem Herren Principal
 Vnd halten richtiglich mein auffgesetzte Zahl.

Architectura Navalis.

Architectura Navalis.

Fügt es sich/ daß ein Fels von Natur wer gesetzt/
 Daß er mit Wasser wer vmbgeben vnd geneset:
 Vnd man darauff das Haus wolt bauen starck vnd vest
 Auff daß es solt sein ein vnübertwindlich Nest/
 So gib ich her die Schiff/ laß alles darauff laden/
 Was man voundthen hat/ verhüte manchen Schaden/
 Führ es nicht ohn Gefahr an Port/ vnd lade auß
 Was ich geführt/ versch mit Proviant das Haus.

Navigatio.

Navigatio.

Ob ich wol bin die lezt/ so komm ich doch geflissen
 Vnd bring mit mir ein schön Meerarten auffgerissen/
 Zur Hand hab ich auch die Meerrosen vnd Compass
 Dardurch lehr ich wie man die rechte Lini faß.

Wann